易

象

集

解

故爻在其中祇每卦加八卦而巳非如八卦之創爲 故曰因 成列乾坤生六子也六十四卦之象舉在其中然備 極其變伏義因而重之 即墨黃宁平星階甫輯 **傅發明陰陽之** 理下 以柔其動則爻之義所存各異 傅多言吉凶之情 其 理

剛柔者立本者也變通者趣時者也 貞正也常也物以所正爲常者也嗣福之來與是非相因 爻有刷柔不有兩則一不立所以立本總 悔咨生乎動者也明變主易言動主人言也 以鼓天下之動者變與動義相近故聖人自釋之曰吉凶 相推而卦爻之變往來交錯无不可見緊承爻之幹 時之中各趣其所宜以合時中也 也 道貞觀者也日月之道貞明者也 卦之時也爻

男と息番 而已象之立也像此易爾而已謂自 迪吉從逆凶无二 理常自若也天下之動進退存亡不可以一 有您伏而貞觀之理常自若也日月雖有食昃而貞明 有不然者未定之天終歸於有定變不勝常者也天地 即下文所謂易簡也 字聖人開示人心使知有至 貌慣然順貌所謂貞觀者也爻之立也效此易聞 一般の変解下傳 致也從吉凶中指出貞字從貞中指 之歸而不迷於匪幾也 、簡矣爻也者效 剛柔健順而外 例 測然

爻象動乎內吉凶見乎外功業見乎變聖人之情見乎辭 他事也乾易坤簡爻效象像卽上文所謂象在其中交 調變在其中動在其中也此變通趣時之事 內之變辭卽見乎外之辭爻象吉凶功業聖人卽上文所 爻象動而无形故曰丙吉凶見而有迹故曰外變卽動乎 其中也此刚柔立本之事 章皆所以申釋此章之意也 本設卦所以著明辭所由繫而下傳於辭尤詳以後數 一章傅以繫解爲名則所贊文周之辭也然必推 口生聖人之大寶日位何以守位日仁何以

財利民也正辭正名也禁民蓋養之教之而後齊之也在道濟天下為寶是其大寶也位卽崇高莫大乎富貴也理 天地曰生在聖人曰仁義仁之見於條理者仁陸氏釋文 言聖人行易之道當法天地之大德寶萬乘之大位謂以 黃帝堯舜皆聖人之富貴者也日王天下明有

結繩而爲網罟以佃以漁蓋取諸離 漁也 罟而已非必有所取也孔子以易道觀之然後知是蓋 位也象以氣言屬陽法以形言屬陰鳥歌之交爾天產之 物飛陽而走陰也土地所宜謂地產之物木陽而草陰也 之象情可見者故曰 取 健順動止之性德不可見故曰通萬物之情如當 如乾首坤腹之類遠取如乾馬坤牛之類神明 離故曰蓋取 相麗巽繩結之網罟之象也離爲鳥佃也兒澤巽魚 陰麗於二陽之間物麗網罟之象也包懷氏為 類 之

<u>貨</u>交易噬 而 監之之義 虚 未之自地上而入下震 艮手後動以震足進退田間以耕反生之稼益民之 於是故益初爻以農事爲辭 一断木之銳爲之 動市象艮爲人民也震大塗艮小徑古 四/二一次於作下事 未那柄揉木使 陽象耜之 也 曲爲之益上 在地下而動 Ц 大け目

堯舜垂衣裳而天下治蓋取諸乾之易窮則變變則通通則久是以 倦上看出乾為衣坤為裳取諸乾坤 要在世道上看出易理卽天道也天所吉利亦卽宜民 宜者神而化之也易窮則變三何泛論天地問變化之 變在世道上說變其舊使民不倦者化也趣於新使民成 通其變四何已暗指衣裳之 則變變則通乾用九六爻俱變則爲坤坤用六六爻俱 說易无有窮也窮者數也陽數窮於九陰數窮於 **延則通通** 制所調易固陋而文明是 坤 以神 化取諸 轮 坤 地

服牛 諸本為角 教民乃開物成務之大者也揲蓍之法不離奇偶故孔子 斷 初 **劈木刳之使中虚也剡木剡之使末銳也!** 大川乘木有功也 耦二楫運於舟後象木在水上流行若風故其象 爲取諸乾坤衣裳二字與網呂耒耜等字 則 利天下語 例无庸重看 申揲蓍水卦始於黄帝以文 毡 至上 例天下治 一舟虛象 軟牙圓

斷 門擊柝以待暴客蓋取諸豫 **随其天也附物而行下動上** 艮爲門坤爲闔戸重門象艮爲閣人擊動而有聲之木 **坎夜學林象坎爲盜暴客也三陰安於坎宮之內說豫象** 事故乘而駕之以致遠牛穿鼻馬絡首雖人為之亦各 爲牛以順爲道故服而馴之於引重互 亦豫備之意 兒金斷之為杵象艮為石兒金克之掘地象 日治米象民粒食矣又治之而使精小有所過而 利萬民以濟蓋取諸小過 一說故取諸隨 一坎為馬以

もえりアイ 以待風雨上文數爲字始爲之制也下 興也棟脊標宇椽也棟直承而上 取二柔義雷動 冬穴居則无以待風夏野處則 以堅多心之 、睽違 四分人発揮下専 以威服馬 矯 則風 輮以爲坎弓兒金剡之以爲離矢 雨將至宫室成於下雷動於 取 四剛義宇兩垂 雨故宮室不可 取諸 一易字始易 松芳園 故 m

封聚土為樹巽為木為人兒為口乾為人木而有口乾人 人馬棺槨象死者以土為安入而後說之惟送死足以當 大過肖大坎穴也葬象封古空字下棺也檀弓云懸棺 古結繩以爲信大事大其繩小 而治後世聖人易之以書契百官以治萬民以 ·其繩書以刀筆

りき記写 **象者材也炎也者效天下之動者也是故吉凶生而悔吝著 柔言則兒爲口乾爲言用乾兌之金以刻木其五爻比列** 木簡爲文字契以木刻一二三四之畫而中分之各執其 言是故總結上文也言易者象於萬物象者 有似乎契畫然者日治日察言官民俱安於書契之用也 一卦之制作遭卦始書契終蓋萬世文字之祖肇於畫 為信其取象夬者以義言則夬者決也可決事也以 **於書契也** 象也象也者像也 国人が一人対策下海 形像之象也 大片引

彖卽卦也卦著全卦之象彖言上下 し動す 趨 者多之所宗 避著明悔吝使人警悟 陽故耦爲之主德行卽陰陽之道也陰陽二 又以是故結上文二句謂彖爻 章首言包犧觀物制易中言數聖人觀易制 而得者陽卦也異離兒 事終言 者衆之所歸陽卦一 尚辭尚變尚占 如此故生出吉凶 兩卦之材爻貢六谷 陰故奇爲之 坤而得者陰卦也 一卦皆

矣故聖人不曰无 故爲舉 易故凡卦之以陽爲主而陽道勝者皆大卦也以陰爲 而陰道勝者皆小卦也其原起於八卦之分陰分陽 民其道逆則為小人 陽有常尊也一 章舉永所以取材之例也蓋卦有小大辭 運慮者思之 取材之例也 ·聚解下-傳 而曰何於 一君而二 如何可廢祇著 民其道順故爲君子 何字 內正想 相卽憧憧而 出自然景象 冰粉

往何則慮 **圆神變化總完太虚可使下學上達其爲兩忘天下何 來殊途就事言百慮就心言殊逾卽在同歸中百慮卽** 可使人心造物通為不二實力於同與一 也默曾於同與一 以自然之感應言之日月相推則明生寒暑相推 中要即同與 一之联則宇宙閒神化飛揚盡露 見殊與百不可將殊與百轉於 一之宗則心極

感 **感以待感而信之利亦在言表矣精義句重入神利** 其應之來而信者亦復爲威相推爲而功用不息故日 以咸乎來信所以應乎往其感之往而届者必有其 **蟄則不能存身專言届之利正欲人養靜以** 猶 信之 功也 我而至人 / o.k. 崇德也 指明生岌戍言 不知屈之所以利也尺蠖不屈則不能信 也龍蛇之 / 神則往屈來信不見其迹 直成也用 於醉下傳 化 用 स्र

111月 **窽會至神而不容思慮者无不精** 俱自安閒自適以養其天无心於崇德而德自崇矣二 雖平而精義爲綱精義正於 而致安身則神不勞形不擾何有思慮哉然廣大高明 而用自致矣利用卽不習无不利安身卽靜而能安利 利用正其實體認處 所自致耳袋以 體而已何有思慮哉然寂而感感而通无心於致 7 (利用緊貼致用用字來二以字) 致用此用之 致處透其本源則義之 到是為入神其致用乃)所由利者精義非空 段

道乃聖 盛 至神化不過精義利用之極致耳非就窮神知化贊德之 力於不當用之地名烏得而 惟德盛方能窮神知化也 知則不容於有思不容於有爲極微妙之神知變化之 人德之盛極也神化之功正在精義利用作起 一爻解所以為 |精義利用功夫以往是下 関ルノ繁鮮下停 戒也石非可困之物而困 不辱言取困之小人 窮神知化境界未 則

藏與待兩意並重動而有獲全在時動而其妙專在能藏 有器而不能凝者言下文藏器待時兩意皆從人字生出 以危身也 无結閔之患 | 成器而動則待時之意已寓其中括結也待時而 **| 六爻辭所以爲法也人字** 也 ·非對无器之人言正對

あ色思罕 已往誠防其未然 乙以无咎聖 弗爲之 也故君子慎所積而不)機也威懲甚於 欲成全小人也引噬监初九以 八重禍福甚於重仁義動之以福歆 非 不畏也其心蓋謂无傷耳 勸 心至惡積罪大皆无傷 小懲斯 諩 也引噬嗑 誠矣慾咎 明之 弗

徒有是心所以保安圖治者必自有道矣身安正從三不 安危以位言存立 以明之 九四以陽承陰位不中正下 亡以國言治亂以世言曰危曰亡曰亂不 以徵之 應初陰德薄也位離明 地

之力故曰其知幾乎幾爲本心之初動純乎天理事之心之靈明而已上交易諂下交易瀆初發念時覺之早 者先見於此卽是吉之 神皆心也 一在德之 海知力之 神所 /餐餅下 以運乎幾者也知幾卽是 小自以 为无 為能 |凶處先| 者 |則吉 神祇完吾

不見則凶凡豫前知幾皆向吉而背凶違凶而就吉无復 有凶所以特言吉也幾雖吉之先見而實與凶鄰 明隨時灼其可而无所滯也韜晦日微顯著日彰在事 殆将也庶近也幾卽上文幾字知卽知幾也心常自惺所 見退避日柔男往日剛在作用上見萬夫之望深費之 純是素養之定露出本然之靈明來四知總是一 轉不善而就善不俟終日赴幾之速也知幾必本於介 是知幾其神意 念靈 見幾

貨守之 以進 **象能法天地男女致一之道故往則必通也** 化 絪 | 絪縕萬物化 卦言乾天 旣成卦言上 醇形化者男女專 知不善之不可行則知彰也未當復行則知剛也在豫 紭 於知幾之神也有不善可謂微矣未嘗不知可 氣之交構精 固故曰貞吉在復貴覺之早故日元吉 ラルノ緊
発下傳 (坤地以乾三亥坤上 |坤變艮少男下乾變兌少女男女構精 形之交氣化者天地專 而不二 一故能化生損自泰易以 而爲損天地細縕之象 참 而不一 故能

求自行无不得矣全兼人己言在我者施无不宜 則吉邪動則凶故困三解上 者脩於平日也脩至安其身易其心定其交其動 ·然則傷之者至矣引益上 ·舉爻所以效動之例也三百八十四爻正 便初相似也損三益上 相反也噬嗑对上 九以明之 相 一而於

言其判然不相混也兩者交合然後成易陰陽合德派 奇耦相交剛柔有體調 成卦爻之體也天地之 化之迹也卦能體之而合同而化神明之德陰陽健順之 成之器離撰言德則形上无自禪之機 言伪羲董卦也除陽相易出於乾坤故曰門曰陽物陰物 也卦能通之而合一 藏健順止說皆乾坤之无二 一門火 一聚解下傳 測乃知風雷山澤皆乾坤之 「道雕德言撰則形下」 摂者憑陰場り 撰陰陽造

其稱名也雜而不越於稽其類其衰世之意邪 言文周繫辭也伏羲時風氣湻古未有其事而前知之聖 至文王繁解於體撰處立名即於通德內示意其稱名雖 挽衰世之風復上 水繁解言易之无不備也夫易二字承稱 名之易來彰往 德者妙陰陽以寓靈立 知其必有此事而盡卦以盡之但有卦无名其義未顯 而不越乎乾 |而察來而微顯闡幽開|而當名辨物正||声斷幹 坤剛柔之道考其事類非聖人憂深慮遠 一古之盛亦何事於繁稱 一象固己盡意矣

あえ是好 陰陽典常之道以發之而无偏曲囘互之言斷解繫之以 **謂祭於民之故而知未來之事未來之事要不出已往之** 即所謂稱名雜而不越也正言彖辭也其是非可否皆本 於動植器用之物因陰陽生成之質而別之使物從其類 即藏往也謂明於天之道而彰已往之理察來即知來也 也卽所謂過神明之德也重卦有畫无文易道未開文王 因 理 即所謂體天地之撰也微顯即神德行也微者顯之推 卦畫而爲之名辭故曰開當名謂卦也易於貴賤尊卑 其所從出也聞幽卽顯道也幽者聞之究極其所歸處 名因陰陽上下之分而稱之使名當其實辨物謂象也 「見名」常様で南 五 数号間

民貳之有失得故貳也報卽吉凶也明失得之報則天下 而實本於至德因貳二句與衰世之意相應理貞 可不決之辭卽所謂彖也則備矣總承上數句卽易冒 **吉凶也其趨吉避凶皆本陰陽得失之故以判之而无兩** 下之道之謂也 而不越出 抑揚以贊易中所備之妙无非前民用也稱名六句與 而其文經緯可見言雖委曲而叉皆中於理爭雖 相應稱名雖小而取類於陰陽也甚大其旨 類 其言曲而中其事 夫 横 陳 们

易之與也其於中古乎作易者 王憂思天下後世之深欲力以斯文昭示來世始名六登羲皇之易有遺而已三畫卦雖有名而六登卦未有名文 曉然歸於理之 卦而緊以辭易道至此復與也卦名及辭皆前所未有 不云逃而云作 通章大目 石第五章陰陽二字為通章骨子因貳以濟民行句為 而民行濟矣

懲忿窒欲所以脩德益則遷善改過德之優裕也處困而 復者乾元初復萬善之端故日本恒終始惟 地 觀 E 困井以 地巽 乃觇所養故辨德必於困地取安止之義井德靜定故 然後德可指故曰基謙 卦之序複議以踐履言復恒以存養言損益以脩 順 而入深1 成德言異以應物言人之踐履 入事故之 則知敬謹心有所持循 細 微 裁之故曰 循乎禮有實 故曰固損 故 制

理而就上充長之設撰造也撰則爲偽也困險而說也心 損過必逆乎情故先難旣損則順乎心故後易益固有 宜 超乎困之外逼也井居其所謂巽二 剛 陰羣恒剛柔皆應其文交錯雜矣而至人有常不 也遷謂坎 和 衆陰而不自失其爲高故尊而光復陽始見而不亂 即兌說至乾健也和而不健者不能至也謙九三以 隠不 露 陽在上體水之汲而及物者也異稱物之 也 徳損以 陽在下體水在 十七 散芳園 井 厭 也

尵 重而應不執 自守以正與人各得其宜也異順於理如權之於物隨輕 而吾身之害固有可遠之道益於己者爲利利莫如善君 于遐善故日興利困守節不移不怨不尤故寡怨井以正 和爲貴故以和行謙性遜順可以裁制於禮復有不善 當不知故自知也恒立不易方故一 ·論彖辭也凡彖辭之體皆先釋卦名次言兩 而悖理也 用故此章之序亦然以爲觀彖之法也 德也損其害德者

首句 可踰者故以定則言而曰度度之所在順之吉逆之凶毫 其屢變无常不可爲 无常也柔來文剛分剛文柔剛柔相易也典常也要約 八位也位未有爻故曰虚或自上 入緊承上 節總領言為道變通而不滯於物也不居猶不止 章綱領居則觀象勁則玩占故不可遠屢還有又 雖欲不懼 〈外内使知懼マ 一般人聚解下傳 典要雅變所適而 不可得若或使之也不特易出入六 |而降或由下而升上

初率其解而揆其方旣有典常尚非其人 其時 事故也與民同憂患之情无有師保教誨有如父母親 者皆有典常矣易之為道有定體无定用屢遷者變也 神 方謂時位易之僻寓於變易之變顯於解由其解以審 而愛恤之聖 可為典要者也唯變所適者度也撰之有典常者也有 為人出入之法度又神以知來明憂患也知以嚴往 明三極之道於變動之際默成貞一之理於趣時之間 不易之理未當不行於剛柔變見之中則不可爲典要 位剛荣變易之无常所以卦爻一定而不可易而 人之情所以爲至 也 人道不虚行

ソーショニッド 其初難知其上易知本末也初餘疑之卒成之終 知也上爻事已終極易知也初起於微細必擬談其端緒 文王原卦義之始要卦義之終以為卦之體質而繁象之為書也原始要終以為質也六爻相雜唯其時物也 聚爻辭也 也六爻各具一 此言初上二爻難知易知就學易者言初爻事未顕著 **六爻之交錯唯其六位之時或陽物或陰物各因其義而** 易書而己能虛行乎哉 始要終以爲質也六爻 專論爻辭 一體時異物亦異時謂位物謂陰陽周公觀

凶 之 辨 成 物 也所到家以之 內外 古凶之要居可知者觀彖辭則思過半矣以辨是非之道愈備要得其要也居可知可坐得以辨是非之道愈備要得其要也居可知可坐得以非陰陽二物雜謂自其中四爻雜而互之叉自

為道以下釋二多譽柔不能自立近者有所依附遠者宜盡然而若此者多耳近也釋四之多懼以近尊位也柔之 卦之中也論二與凹獨詳於二者因二以見四也二四之若不利二遠於五而其歸得以无咎者以其居柔而居下 多譽九二 位不論剛柔居之皆多譽多懼也言柔不利遠可見二 遠近有異而善亦不同遠者多譽近者多懼多者謂 五同功而異位三多凶五多功貴賤之等也其柔危利遠為六二言而九二在其中併六四九四皆在其 功謂皆陰位異位謂二 | 九善於六二四雖多懼九四九甚於六四也 |與五應爲遠四與五比爲近位

貴賤之等以下釋三多凶謂以陰柔處之則危剛正居之 危剛勝可見三雖多凶九三猶善於六三五雖多功六五 見五也三五之位亦不論剛柔居之皆多凶多功也言柔 則勝其任言邪者不定之辭論三與五獨詳於三因三以 五九五亦在其中 [讓於九五也柔危剛勝爲六三]言而九三在其中倂六 五同陽位五君位貴也三臣位賤也故三多凶五多功 八章言易之凡例

吉凶生焉 變聖 重之故六六者非有它道五上卽天之陰陽三四卽人之 **廣大統論其槪悉備就廣大中細論其詳三畫已具三才** 物爻有陰陽之類而後有剛柔之用故曰爻有等故日ぬ 天道有費夜之變地道有燥溼之變人道有善惡動靜之 義初二即地之剛柔兼而兩之所以備三才之道 不獨立二 人設爻以效三者之變故曰爻等類也乾陽物坤陰 則爲文陰陽相雜故曰文不當者不特陰居 者非它 聚離下傳 之道也 王 旅芳園 也

THE WELL **陽陽居陰也卦情若淑或以不當而吉生焉卦情若愿反** 以當位而凶生焉 故曰爻将六爻分作六件看爻有等故曰物将六爻上 萬物之情入於細密而无閒所謂廣也語雖遞下意實 分時〇葉三才而兩之将六爻合作三層看道有變動 句為主賢者析言之也大者統言之也首節言六爻具 石第九章詳論六爻之義〇此章論六爻之義以廣大 故吉凶生将六爻九六相配看 一才之道極於渾淪而无外所謂大也次節言六爻備 相承看物相雜故日文将六爻剛柔相問看文不當

易慢易也危者二 能 由易而碩者易使之 天下之至健也德行恒易以知險夫坤天下之至順也於始懼終於終懼始其要歸於无咎此之謂易之道也。此此盛衰之理故曰其道甚大百物不廢易書之旨欲 则出人 聚解下傳 天理之自然若或使之也凡事 |其辭危處言由危 王 而平者危 物 使

侯之二字先儒俱作衍文易簡為乾坤之德效法乾坤者 **家能无說乎險阻在前往來於中能无研乎易有爻象** 所 健至順也易而知險則不陷於險簡而知阻則不困於 以能危懼而无易者之傾也易簡我心所固有其味 則所行无難故易順則所行不繁故簡所以能恒者 之言動即易之變化故日變化云爲此四句即上繫之 效天下之易簡爻象動乎內吉凶見乎外功業見乎變 凶成亹亹者皆易簡之為也 祥象事知器占事知來天地設位

與變體於身也卽乾之 象謂卦畫備象以告人爻彖謂卦之 凶 **避**驱鬼謀卽定吉凶卦象立人皆以占筮而知趨吉而避 **成能於兩閒此乾坤之德所以全盡於聖人也人謀卽成** 坤之知阻也天能天而不能地地能地而不能天賴聖 理精於占筮則可知方來之事此以象與占措於事 於變化云爲則知動之微吉之先見故吉事有群此以辭 道也 公為即尚辭尚變也象事占事即尚象尚占也 、所能者百姓與能矣 反於人聚解下傳 情言剛柔雜居而吉凶可見矣 知險也精於觀象則可知制器之 之情假爻 也

取而海各生情偽相感而利害生凡易之情に取而海各生情偽相感而利害生凡易之情に 凶皆異於本衆矣有在象為主灸而在本爻則凶者言視成卦則以成卦者為利也自爻辭觀之據逐爻之情則吉利雖不美之卦其象皆有所利蓋其初皆因窮而變變而自象辭觀之卦體本以變動而成故衆辭專言其變通之 可見矣 以立言八卦以象告則剛柔雜居矣爻象以情言則言凶 **彖之本辭則遷易也以下皆言情遷之事而以六爻之情** 1

見に見み 也不相得者而遠則雖惡而不能 矣吉凶則其成故總而言之日吉凶相感者情之始交有 偽德所發利害者商畧其事有利有不利也悔吝則有迹 明近而相得相愛者也相取者也以情相感者也善之義 相感皆有遠近皆有情偽皆有愛惡也故末以相近一條 故以吉凶言之此就淺深分之若錯而綜之其相攻相取 所觸而動之也故以利害言之相取則有事情欲致而得 之也故以悔吝言之相攻則其事極矣情務入而中之也 |情|而總屬於相近之|情愛惡時所生遠近位所限 明之吉凶悔咨利害之三辭分出於相攻相取相感 「一名」繁稿下傳 相攻也不近而不得相 盂 歉

感也又其次也惟近而不相得則以惡相攻而凶以偽 取也雖偽而不與相感也善之決也宜相得者 時位德之當否皆於比應 而害不以近相取而悔吝特舉此條以例其餘聖 者必深匿其迹而陰寓其忮故解游失其守者見理 之人其解游失其守者其**辩** 有其辭慙中心疑者其辭杖 見理直故鮮寡躁競之人急於售故鮮多誣善 相親也不近而不得相 外故辭慙 一發動其義莫備於此章矣 於中者必泛其說故辭 屈 取也雖有情 而不能

明而內 无所主故辭屈此卽人之辭以情遷者驗易之 以情遷也 **簡者貞一之原聖人研說此理於心參驗於變化吉凶** 右第十章 之故推所憂患拯世傾危讀其解而情尤可見 |總下傳之旨而約言之以終首章之意蓋易 関ルノ選組下脚 E

クきまび中 朄 聖人謂羲文周公也蓍筮草王道明蓍莖長丈其叢 數之原也然 百莖生著謂創立用潛之法神不能言以著言之所以贊 业华 一大人员就卦件 上於五自五以往非數也皆相因而成者也 説 卦 傳 出命故謂之幽贊神明卽大衍所謂祐 此篇備說重卦之由及以 即墨黃宁平星階甫輯 作易也幽贊 數則乘除俱不行故天數三地數] 於神明 卦所爲之 神也天 漱芳園 明數 地 刊

取九六而不用七八者乃參天兩地而倚其數也其為七 六八十皆陰數獨以二四兩之而用六者倚其陰數也特 起於一三成於九七偶數起於二四成於八六故以其成 八九六者以理言則參兩之數皆統之以三故三三爲九 中則七也凡方者以八而包一 爲少也以象言凡圓者以六而包 數紀陰陽陽之進者為老退者爲少陰之退者爲老進者 三二為六一三二二為七一二二三為八也以算言奇數 九皆陽數獨以 八也暘圓陰方陽實陰虛故惟七圓而實者爲盛陽惟 三五多之而用九者倚其陽數也二四 實其中則九也虛其中則 虚其中則六也實其

地也以爻數言三其三晝而為九故陽稱九參天也兩其 數皆自參兩中來以**畫**卦言則三陽畫參天也中分而為 為老陽六雖虛而積圓則陰將變而爲陽矣故爲老陰其 九策扐十三爲陽則賸三十六以三乘之三其十二策參 兩兩地也以重卦言則純卦三蓋參天也重卦兩其三 兩地也推之乾策二百一十六坤策一 天也扐二十五爲陰則賸二十四以兩乘之兩其十二 畫而爲六故陰稱六兩地也以策數言則三變三奇而 而虚者為壯陰九雖實而積方則陽將變而爲陰矣故 陽參天也三變兩奇而成陰兩地也以扐數言凡四十 一百四十四乾策六

參兩不得爲參兩故不可以倚數也 參兩一三四為八一二五為八是一地二 亦乾坤之策但二五爲七三四爲七是一 千九百 理和順於道德而理於義窮理盡性以至於命二句反覆 象也以天地雷風水火山澤象陰陽之 用剛柔之爻以發揮二氣之變也道即命感卽性義卽 則畫剛爻以發之陰氣不可見則畫柔爻以發之凡爻 十二坤策四千六百八其參兩皆然若夫七八 地一天不 變也陽氣不可

古者聖人之作易也将以順性命之理是以立天之道 一 互言之也易之奇偶在天之命爲陰陽之道在人之性則 辭彖辭言之如乾爲天道元亨利貞則其德爻之潛見飛 為仁義之德在地之宜則爲剛柔之理和順於道德而理 也 於幽此所謂神德行也上文旣言潛數卦爻此二句於爻 也窮理盡性以至於命言易之所知也故自顯而言以至 **於義言易之所能也故自幽而言以至於顯此所謂顯道 曌即其榖統** 卦言之所謂和順也就六爻言之所謂理

備而後萬物生成之理具是以造物闢設之時立天之 有二氣曰成物之陰施生之陽立地之道有二形曰順承 言聖人畫卦作易将以順天地生成性命之理也必陰! 成卦卦有六位初三五陽位也二四上陰位也各相分也 选用柔爻剛爻居之成卦爻之文章也 斷制之義旣備三才而兩之作易以順此理使六畫而 柔持載之剛人稟天氣地形以生故有二性日惠愛之 人则故身 道

易泉集解 逆易為知來設故日逆數也 與天地等天下事己往者易見故曰順未來者難知故曰 迫而成震蕩之功也射犯也相濟為用不相犯害也八卦 之用變化如此叉令八卦莫不交互而相錯則易之卦爻 地人事莫不備矣通氣謂以氣相感受也薄迫也謂勢相 雷風坎離象水火若天地不交水火異處則庶類无生成 用品物无變化之理所以因而重之令八卦相錯則天 就卦象明重卦之意乾坤象天地艮兌象山澤慶巽象 逆是故易逆數也 《多九說計傳

而 疑聚陽性發散陰聚之陽必散之陽爲陰累則相持爲雨 此重明八卦養物之功上四舉象下四舉卦互備也陰性 動 **晅則物舒言長物之功乾坤中爻交而爲次雕也止** 降陰為陽得則飄揚為雲而升陰氣凝聚陽在內不 則物具言生物之功乾坤初爻交而爲震巽也潤則物 則奮擊而為雷陽在外則周旋不舍而為風動則物萌 地之用六子也 坤以藏之 | 章先言天地之无爲後言六子之相爲用言天 雨以潤之日以晅之艮以止之兌以說

りと意子 帝天之王氣也以其周王天下故謂之帝陰陽初分陽始 使物有所歸有所息者又父母之功也故以乾坤終之 於處陰始於巽變動之時一 者發露之謂出則必齊齊者畢達之謂 六子生物之序也然六子致用主於乾而動歸於坤而藏 坤无以主之藏之也 石第四章先言六子之職後言乾坤之道言六子非乾 則物送百收物之功乾坤終爻交而爲艮兌也此 一型/儿.1说卦序 · 巽相見乎離致役乎坤說| 言乎兒戰乎乾勞 陽生二陰之下故出始寢出 **陰順乎二陽而** 五 秋芳園

則必勞勞動之餘而休息之坎陰而乾藏於中爲之休 致至之也役猶使也養則必說陰將收斂以從陽 给也自與至兒皆陰卦忽遇當亢之陽陰疑于陽必 既勞則有成成者完全之謂艮陽止 輝發 並行以母達於外也齊則必見陰積於中而陽 完後髮從此起 故相見乎離 州 見則必役坤陰盛 正於外 而陰在其中前 陽有終 自為

之叉足以見三者未嘗相離也震居東方於時爲春物 以方言或以時言或以象言夫子欲備三者之義而互 此潔齊句萌甲拆鮮潔均齊无或參差也相見乎離者 始故萬物於此而出巽東南於時爲春夏之交故萬 茂條達彼此交映以其爲南方之卦於時爲正夏衞明 之出入不可見而爲物者 到 是 心說計傳 可見故叉以物言爲八卦或

春之交造化一元之氣運動萬物者於此終則元之貞也 澤氣說成之乾位西北於時為秋冬之交盛陰用事而乾 交艮土在冬春之交坤陰土故在陰地艮陽土故在陽地 兒乾二金主秋坎水主冬土旺於四季故坤土在夏秋之 而所成始則貞下又起元矣〇震巽二木主奉離火主夏 勞而不倦萬物將歸根之時歸休於此也艮位東北乃冬 以純陽臨之故相薄而戰也坎乃五行之水位居正北水 君之於臣役之而已兌居西方時爲正秋草木皆老猶以 母之於子養之而已萬物盛於西南代乾有終帝之臣也 而治惟取其明也坤地也於時爲夏秋之交萬物之母也

乾 坤主宰 易 陽 金故近 萬物之 故 在 則 物之帝行乎六子 Make. 氣 神也動模潤 東巽陰木 而接乎陽其序甚明也 妙 親卦 乃其神 而接乎陰兌陰金故正 中所謂 也 物者六子然 則 神也神无迹 神 兩則 敝 能 团 妙 可

物合 獨化故必相逮也不相悖也通氣也然後能變化旣成萬重美角 一一一分之 言不相悖者明雖相薄而不相逆也 義爲微故言艮而不言山上章水火不相射此言相速 明性雖不相入而氣相逮也逮相濟也上章雷風相薄 截 而成萬物者在於変相爲用變化之 石第八章上章言八卦之主時成用此言所以能順時 過覆述雷以動之數語為水火相速四語發端重 化則神旣盡也艮獨舉卦名者終始萬物於 神也動萬物數

也 りとことが 巽 此 和 於陰中所以爲坎杲則无質麗於陽中所以爲離艮陽 順承乎天故順震 外亦和也 順八字則易不復能讀矣 能明之而不訓其義孔子訓之故後世可以學易非 陰伏於二陽之下无往而不見納故入剛則有體陷 而止是靜亦定動亦定也兌陰見於外則說是內固 、卦之性情乾奇也陽也運轉不息故健坤偶也陰 一切が、一説計画 八卦之名出於伏羲氏止此八字而已文 **陽起於二** |陰之下其性密發於 大 步 扇

伏入之身出聲於天氣重陽之時與地風同其感者雞 前後皆陰之污濁而中獨剛躁者豕也前後皆陽之文明 中陽也垂耳俯首而尾不足本末陰也亥爲豕者直室 動之身潛息於地勢重陰之下與地雷同其寂者龍也 而中心柔怯者雉也外剛能止物而內柔媚者狗也外是 此遠取諸物也健行不息者馬也柔順任重者牛也以奮 次也巽爲風風主號令故雞號知時美脊剛越坎 內剛很者羊也〇 震東方卦春分後辰亦為龍

かき是平 巽也搏噬者前剛也直婁也羊內很者二陽伏於一陰之 **坎之所自生也巽離為飛鳥者南方七宿朱鳥也午為 寛衆陰之所聚者腹以臟之也震陽在下故足之用在下** 之次已爲鶉尾其味在柳其翼在翌柳午也離也翌日也 艮陽在上故手之用在上巽陰下歧而伏爲股兌陰上 此近取諸身也其外圓諸陽之所聚者首以君之也其中 下也 理公山說封傳 九 长芳夏

故目內虛各以反對也○首君腹藏天地定位足動股隨而見為口坎北方之卦主聽故耳外虛離南方之卦主視 雷風相與耳目通竅水火相速口與鼻通山澤通氣 乾天資始故稱父坤地資生故稱母 **交中三索謂交上以索之先後爲長中少之次初爲氣內** 第九章 索謂交初再索謂

辭謂者卑之之辭 陽根於陰也三女陰也坤之似也乃歸於乾求而後 似也乃歸於坤求而後得者三男本坤體得乾 精末為形雷風氣也水火精也山澤形也三男陽也 從乾坤變出邪 生六子非孔子發之幾何不如一 想見伏羲畫卦直是先定乾坤而後自下而上交變而 女本乾體得坤 ·所謂觀變於陰陽而立卦也乾坤生六子可 陰而成陰根於陽也稱者等之之 生二之說而知六子 陽

刚 至健天也天動運轉園也尊而在上君也知大始父也交 為神為盈為甲為施為嘉為好何妥有為剛健〇乾純 也 位剛柔相濟玉也爻純剛金也金為寒金生水水寒 馬健之最堅强者駁馬健之最勇猛者木果以實承 純陽之色大赤也良馬純陽之德也老馬老陽最健 九家有為龍爲直爲衣爲言虞氏易有爲德爲王爲

虚為乙為拇為喪為終為害為死為萃為土為器為晦為 邀幅而中廣平布也乾為金革金爲釜坤之效法平乾也 爲邑為亂虞氏易有爲理為事為大業爲臣爲民爲鬼為 静翁不施吝嗇也動闢而廣均也多育而順子母牛也所 馬〇坤厚德載物地也作成物母也南北經東西緯旁有 荀九家有為牝為迷為方為 最為裝為黃為帛為樂又有 載者廣大興也生物色雜文也載物不 國為暑爲兕虎干寶有爲順盧氏有爲師左傳杜註有爲 柄純陰之色黑也 衆

北

生

物

之

本 **数芳**

為言為行為樂為出為作為麋鹿蜀才有為喜笑左傳杜 荀九家有為玉為鵠為鼓虞氏易有為侯為主為兄為夫 決躁也蒼東方色筤竹之筠蒼筤竹也下本實上幹虛萑 **也陽性奮於淵龍也乾坤始交之色玄黃也蒂下連而花** 註有爲水爲諸侯國語草註有爲車〇震陽氣奮於地雷 起爲作陽之健作足也的白陰色的額亦取動而見也 一分旉也萬物出大塗也一 一也聲遠聞馬善鳴也馬後足白爲馵取其動而見也騰 一索得男長子也決陰而動躁

見見
足
年 也風行之性長也木生之性高也風行迴旋進退也風性 **荀儿家有爲楊爲鸛虞氏易有爲妻爲處爲隨爲魚爲號** 爲包爲杞爲白茅爲舞〇巽偶下爲根奇而上升者爲幹 也巽而善入風也一索得女長女也二陽共正一陰使 長必至於乾而爲健三 邪曲繩直也工引繩以直木取德之制也少陰之色 動於二陰之下子月草木根芽皆下生稼反生也究陽 別はし説計傳 八也爲寅 一爻俱變 則爲異故爲蕃

為薄路為其於與也為多貴為通為月為盜其於木也為所為其之,為其之,然為其實為人物有如有此有究實得獨立為一首,以為水為其實為實也物有如有此有究實得陽氣之先異得以之,然為此為其為為其為為其為,其為,其為,其為,其為 **寡髮也陽氣上盛廣類也目以白爲陽黑爲陰巽上中白** 遲疑不果也臭屬陽陰鬱於內陽氣上達臭也陰血不

腎故為耳痛血爲陰流行常幽血在形如水在天地閒故 為憂水在志為恐恐甚於憂故爲加憂火藏在心坎水勝 不通有科卽注溝潰也陽匿陰中隱伏也曲者更直爲矯 爲險干資有爲法爲夜盧氏有爲車左傳杜註有爲眾〇 枯又有為志虞氏易有為孚為疑為後為臀為酒侯果有 直者更曲爲輮水流有曲直矯輮也弓輪矯輮所成也弓 故為心病水藏在腎開竅於耳而水在志為恐恐則傷 勁 九家有爲宮爲律爲可爲棟爲叢棘爲狐爲蒺藜爲桎 |陰爲岸| 陽流通於中內明外暗而性陷水也流无 則善發輪中勁則善運皆從中一 卷九說卦傳 陽取象也金在志 灰炭

爲血卦得乾中畫之色故爲亦刚明在中美脊也上畫柔 潜 與多眚也水之性通也水之精月也陽匿陰中而能陷 下首也下畫柔薄蹄也曳也中滿而旁无力懸險而多勞 九家有為牝牛又有為飛鳥處氏易有為隼為鶴為夏 罔馬融有為矢侯果有為黃牛何妥有為文明干寶 外明內暗而性疑火也火之精日也日秉陽精屬 爲斧左傳杜註有爲鳥爲諸侯〇雕一 如益也剛在內木堅多心也 I為電為中女為甲冑為戈 為蟹為風為蚌為龜其 也 陰麗於一

あた是呼 虚以為 **蚌龜皆取外刚內柔義細分則鑑陰|而靜蟹剛|而躁鳳華** 麗蚌菩孕龜文明也科空也木空中上必槁也 也 其宅之至理也電火類也 陽上銳戈兵也離中虛大腹也日眶之 為求為宗廟為小子為童僕為城為狐狼鄭康成有為 虚 九家有爲鼻爲虎 月 東陰精屬坎而中實者惟陽爲日 明惟陰爲月而陰中有陽借日以爲光陰陽互 7/此山說卦傳 為狐虞氏易有為背為皮為尾為篤 再索得女中女也陽外堅 乾卦也惟 而陽中有陰 四四 秋芳園 甲

鬼具門左傳杜註有為言〇艮二陰象地一 者也關寺皆掌王宫閣止外之不應入寺止內之不應出 閥也木實日果草實日茲圓而實為草木之終又始草 也震為大塗艮反震二陰象徑路之曲折也陽實而小 业 石也良終始萬物爲物所從出入者卦上陽橫下陰開 前 九家有爲常爲輔顏虞氏易有爲妹爲孔穴爲刑 刚止 黔縣之屬也剛在外木堅多節也 |物指也止於家者艮之利則狗害則鼠也剛 一人ペノ 爲附決其於地也爲 陽隆起者 刚

りき是年 羊也 毀折也附者艮爲果磁兌反艮以決之也二陽在下地之 刚者方有鹵否則鹵水虛漏矣少女從媵妾也內很外說 巫也以言說人以食說己口舌也兒秋殺物囊稈之屬則 類是也有相因取象者乾為馬慶得乾之初陽亦言馬 天地之類是也有相反取象者慶大塗反艮則徑路之 之類是也有不言象而可互見者如戟爲君以見坤之 坎水半見澤也三索得女少女也以言語說神典 類是也有 10/26山說卦傳 章廣八卦之象凡百十有二有相對取象者 一卦中自相因取象者巽繩直因而爲工 吹芳图

易象集解卷九全			可類推矣	溼坎為血卦以見離之為氣異為臭以見震之為聲餘	開均者地之平也以見天之高離為乾卦以見坎之為	為臣乾爲園以見坤之爲方吝嗇陰之命也以見陽	歩きまな
				徐	爲	芝	

ころにいるよう **厚卦傳** 覆觀之止成八卦其餘五十六卦反對皆變反覆觀 坤坎離大過頤中孚小過八卦正對也正對不變反 故創為聯屬之說以寄意馬○卦有正對有反對乾 **即墨黃守平星階甫輯** 之共二十八卦合正卦反卦總為三十六卦在上經 不變卦凡六餘二十四卦反之則為十二以十二 二篇分上下名曰對易其例有對待而无聯屬夫子 六則十八也下經不變卦凡二餘三十二 | 三、三、三、手事 男念的孫肇顯校刊 一卦反之則 炎ゲー

動盪 法象必自天地而還屯不訓盈當屯之時天地絪縕雷 始生坎乾互離水及交和坎酒兌口故為飲食之道言天 天地謂乾坤取始於天地天地之先聖人弗之 |見其氣之亢塞是以謂之盈耳屯物之始生蒙民之 為十六以十六加二亦十八也二 抣 一篇多寡之數未嘗 論也故其

からまな中 馬 言導之而生養遂教之而倫理明泰 飲食大欲所存欲則爭爭則訟衆起必相親比而後可安 相 利 地 有禮風不訓禮人所履未有外於禮者故以優為有禮 比則止 建侯作之君蒙以養正作之師於是養之教之之道與 開闢庶類馮生始有人物之分責在開世覺民者矣屯 而聚矣聚則有大小高下美惡之殊故物畜然 77%1亨手傳 可致矣衆必有所此

辽沿 君心同人者公好公惡不拂天下之心謙者畏天勤民 可為此段關紐 其會者宜 言乾坤十變有禮而後泰何其難泰 不交則窮同人所以通其窮也言致治保安之道歸 何 如兢兢也 與 變即否何其易履

りざると学 随 浸長大篩小上篩下陽稱大也倒臨爲觀則大觀在上 盤蟲不訓事物壞而事生也可大之業由事而生降二 民說而後從故次以隨以喜隨人溺於宴安者也故王於 **以盈句為此段關紐** 人必有事句為此段關紐 四陰之所觀中正足以觀天下胥歸 天下之有豫則常保其有而樂以天下矣有大者不可 1/1/2. 序計算 統之治矣以喜 数步風 湯

直情 矣言文質之運質勝則宜濟以文文 則亨盡矣句爲 不能通於人而亨盡矣窮於上必反於下物復其本則 而行謂之苟以禮飾情斯不苟矣徒文而无 此段 紐 敝則宜教以 質致 實則 誠

所 動必有大過人者矣復 オ過 誠矣然涵養之功不立則无以為應事之本惟養充 可以出險矣頤大過而後坎離頤似離大過似坎坎 誠為本无妄誠也故可畜積德而至於大所畜 動則事不成而陷於險矣險必有所壓而後才有 成質為天地之大用故以終上 言天地生萬物以氣 則不妄句為此段 一經爲 綱 領 也

義 不地不生夫不婦 婦成也陰陽相麗為夫婦 也男女以上 婦之道句爲通篇 一敘夫婦所自來父子以下敘夫婦 不成相須之至故學天地以明首 綱 領 |配乾坤絫天地陰 所

盛陰消君子道盛必如晉以柔而進也恃壯過晉必有傷 物不可執宜 別義 C 晉與漸皆進進必有傷者進以壯也進必有 人乎中分二 之者矣患害之來利合者相棄天合者相收得不反於家 矣然不得為進蓋蓄材待時養銳積力以止為進者也陽 惟陽剛之君子有以振之大壯反逐逐為退大壯似於進 因君子之進而戒其當止自咸至此一意相承下方推 **敌受之以明夷夷者傷也傷於外者必反其家故受** 一段晉者進也上因君子之退而許其必進下 |與世升降有時而遯也逐則其氣淹敝不伸 一片卦傳 Į.

成世運 家人之義惟孚與威孚威不立家道窮矣一 進 以艮也 恒十變爲損益猶乾坤十變爲否泰也家道窮必乖何 解緩也怠緩必有失故有損蓋損為衰之始損不已運相战相賊之難難必有解散之下乃多不行具 則爲盛之始盈必溢溢則決言世道盛衰循環之 者決也 家之乖遂釀 理

何爲 極於臲苑則反下以求安下莫如井也聚而上 決主開遇主合合而後聚 受困之由 段綱領 此段關紐上敘君子所以相聚之故下敘君子所以 猶冥升而不已必困 一者謂之:

綱領 其動也以漸而進進得其序所以善其進也 長子從革言者繼體立極之君也主器句叉為下經 井久必革故旣去故則宜立法以治新故有取於和物成 新之鼎也鼎重器主之者将以事天地承宗祧故必主以 陽在下故動動靜相生故繼以艮止於其所所以養 心窮大者必治。 (終動止之故受之以艮艮者止

以歸 固有旅者親寡之時故无所容惟巽順然後得所入天 (事漸進不已必有歸宿之地人必抵家始獲所安故次 次以換得其所歸者必大句為 物理之說心不入則不說說則神氣舒暢淡著於外矣 妹得所依歸足致豐大之業也大極則驕必至失所 [A] 个 年 语 專 此段關紐 可合矣節非

有過物者必濟故受之以旣濟物不可窮也故受之以 徒制其外已也誠意溢於節之中使天下亦誠信於節而 不過斯善合離之道也故次以中孚然事有權宜信難執 終窮之理故受以未濟未濟則未窮有循環不已意生生 行過乎物可以矯世勵俗有所濟也然旣濟物之窮物无 矣故次以小 未濟无終未濟還須濟酯此一 之謂易也故以此終爲卦始於乾而乾无首終於未濟而 若以信自貞而果於必行則拂戾人情以小信妨大信 過 段未完之局於天字此易

道之 **卦**傳 最妙入神處 大用有序而无雜則易之用窮矣終以雜卦即旣濟理矣故有序必有雜序者天地之定體雜者天地之之。 刹 ·徒 而互之則雜矣以六十四卦互之得乾坤旣濟未濟 雜者交互之謂也卦分二體不相雜也以中四爻交 下篇言萬物之相生以形而傳氣夫婦之道也 復夬姤漸歸 100%上雜里 妹頤大過蹇解家人際又以此十六 傳見用窮矣終以雜

異兒交於離者也故異兒為互陰卦之主以三畫言 於乾者也與大過者異兒交於震艮者也家人睽者 漸歸妹者震艮交於巽兌者也蹇解者震艮交於坎 既濟互之得未濟未濟互之得既濟此四卦不 乙後終以未濟之義也〇 陰極而異陰生也以六畫言之夬陰極而姤陰生也 者也故震艮爲互陽卦之主陰卦六夬姤者巽兌交 生也故剝復象艮震而爲陽卦之首以三畫言之兌 之艮陽極而震陽生也以六畫言之剝陽極而復陽 不在互卦之內陽卦六剝復者震艮交於坤者也 一年一 乾互之得乾坤互之 ′坤

りる。三平 剛坤柔 然非有不易者以為之體則乾坤毀无以見易而變化无 卦中之剛柔皆乾之剛坤之柔也剛德用事君臣皆主健 御天柔德用事君臣皆守順以應地〇雜卦交易者也 終八卦自立義例外餘皆入陰陽正卦其變者惟各 濟之宗此十卦亦不在互卦之內雜卦中遇此數卦 皆從本卦取義不用互體其餘悉以互體相次除篇 舉雨卦以見義而已 故 **坎離之用在旣未濟也故泰否乾坤之交而爲旣未 决姊象兒巽** 13/1/1 維卦傳 而爲陰卦之首乾坤之用在泰否猶 九 秋 罗 夏

於坤 貞不失其居也內坎陷幽暗故雜外艮體光明故著陽 自生矣故先之以乾坤然後别互卦之陰陽以次之 剝復故比師臨觀屯蒙損益皆互剝復者也剝復象艮度 也良 師憂臨觀之義或與或求屯見而不 義乾坤初變物之始見故曰見動乎險中而能固守其 順動以有親故樂師行險以動衆故憂以上臨下以 一以己觀物以物觀己臨與所臨觀與所觀皆有求與 而出震則靜者動陽止於艮而入坤則動者靜損 也損益盛衰之 始也損否四益初盛之始也〇陽正卦始 始

豫輕而豫怠也噬嗑食也實无色也 畜時也无妄災也萃聚而升不來也 也 失故无妄曰災萃有聚而尚往之義升有往而不反之 妄故謂之災耳止有静中之得故大畜曰時動有慮外之 之時耳无妄或聲之牛逢災矣然有妄而災不謂災也无 序艮蹇以其在下卦故序於屯蒙之後損益之前也陽 畜何天之衢得時矣然无畜而時不謂時也大畜故謂 正卦中於漸歸妹故大畜无妄萃升皆互漸歸 |經居前下經居後 漱芳園

隨无 兒見而巽伏也 总肆心也頤中有物故曰食白賁无咎故无色惟其无色 謙者抑然自下視己常輕敬心也豫者侈然自大處己 所以實之若元有色何待於實〇陽正卦終於蹇解故議 豫噬嗑賁皆互蹇解者也 菜在外則見在內則伏 O 陽變卦首以兌巽者變卦陽中 之陰而兒異爲陰生震艮交於兒異而成漸歸妹下文将 故謂故舊隨人則忘舊蠱則飭而新也〇陽變卦始於斯 歸妹故以兒巽先之 盡則飭也

ラミミ卒 變 剝爛則陽窮於上復反則陽生於下果爛而仁生也()陽 以通與遇為反對則遇為相抵而不通之象巽上 離日在上 變卦中於剝復故次以剝復也 於蹇解故晉明夷互蹇解者也凡陽卦二十八先正而後 也復反也 而困相遇也 **妹故随盤互漸歸妹者也** 明夷誅也 |故晝也明入地中故誅也誅傷也○陽變卦終 ||||/弘|| 雜卦傳 一爻主塞 漱芳園

渙離也節止也 成速也恒久也 **渙節互頤者也 澳風散水故離節澤防水故止〇陰變卦終於頤大過故** 夬姤者也 **陰變卦始於家人睽故井困互家人睽者也** 塞坎之下流而困之坎適在其下正遇其塞所以困也〇 坎之上流而井之坎出其上蓋塞而復通者也兌下爻主 元光 外也家人內也否案日 反其類也

プレーションラド 有 也 之君子身之陽氣也〇 陰變卦統以旣未濟故蹇解睽家 也否泰之反類以乾言也乾在 之內外以離言也火在外則氣散在內則神凝身家國 離 壮 皆互旣未濟否泰爲旣未濟之根故次於旣未濟之後 解 在上 遯以乾言也乾 故安於供樂每失於緩蹇見險而止故爲難睽求 則人歸於我故衆同人 則退也 7/21 維封傳 〈有衆也同 **壯則止而不退乾遯則退而不止** 外則否在內則泰乾者國 離在下則我同乎 左

小過過 親革以火鎔金故去故鼎以木鑚火故取新〇陰正卦 被 下經居前上 夬姤故大壯遯大有同人革鼎皆互夬姤者也陰卦以 陰 即謂之過君子不可忽於小中孚始謂之信君子不 者也 中物盛則多故旅寓 神也月則陰 一經居 物也而 後 凝於陰故潤 頤大過 IIII 月中之精 則親寡火陰物也而附於陽 過中孚豊旅離 則陽之神也故離 下日則陽而日中之精 始

坤首之而 **陽卦者治之遁也故先正** 者也凡陰卦亦二十八先變而後正〇統於乾坤者以乾 **美**解 處需訟皆主乾言以健 夬者天也頤歸妹家人睽者人也天先而人後之爲 親〇陰正卦終於家人睽故小畜履需訟皆互家人睽 陰畜衆陽則寡而爲力也微 又在變卦之終陽之先正後變陰之先變後正者剝復 而天後之爲變治始於天終於 又在正卦之首統於旣未濟者以旣未濟終之 次。後十 雜卦傳 而後變陰卦者亂之遁也故 而遇險故不進天與水違行故 小親也 **柔履衆剛則危而不** 人亂始於 人終於

兣 爲君子之道柔媚爲小人之道剛決柔則 뗈而也後 意外者週字最柔之善用其奸惡處漸女歸待男之 過本末皆弱不勝重任故頭姤 位濟有成功故曰定也歸妹女歸則婦矣故曰女之終而後行是進以漸者頤所養皆正乃順道也旣濟陰陽 事原男子任 三陽失位其曷 克濟故日男之窮剛 陰始生而遇衆 此長 而彼憂 例 備 如

アウミミス牛 得者也循環互之始於姤終於乾其義最精者也故大 終於中四爻凡卦皆然獨舉大過者中四爻互乾其位最 附之為雜卦終篇同乎戶卦者也不終於乾者乾居卦首 者主卦也姤渐頤歸妹夬者所互之卦也旣未濟者以義 姤自上至三互漸自五至二互 循環互之以 至上互夬自二 頤之養正則為既濟而定矣如歸妹之越殖失正則 |則乾矣首尾相生之義也陰陽相遇之後如漸之 此聖人著環互之例也互卦者不止中四爻互而 //// 一卦變為六卦今以大過見例自初至四 至五則仍互乾矣其法自初卻行互之以 一雜卦傳 **頤自四至初互歸妹**

